

II - ARABAKO LURRALDE HISTORIKOAREN TOKI ADMINISTRAZIOA

LACERVILLAKO ADMINISTRAZIO BATZARRA

Behin betiko onespena ematea kontzejuaren landa bideak mantentzearen eta zaintzearen tasa arautzen duen zerga ordenantzari

Kontzeju honek, 2018ko abenduaren 20ko bilkuran, hasierako onespena eman zion kontzejuaren landa bideak mantentzearen eta zaintzearen tasa arautzen duen zerga ordenantza onesteko espedienteari. Espediente hori jendaurrean egon den bitartean erreklamaziorik aurkeztu ez denez, behin betiko onetsita geratzen da.

Ondorioz, Toki Ogasunak arautzen dituen uztailaren 19ko 41/1989 Foru Arauaren 16. artikulua ezartzen dutenaren ildotik, testua oso-osorik ematen da argitara, indarrean sar dadin.

1. artikulua. Xedapen orokorrak

Bat etorritz uztailaren 19ko 41/1989 Foru Arauak, toki ogasunak arautzen dituenak, 15-18 bitarteko artikuluetan eta 20.1 eta 58. artikuluetan xedatzen duenarekin, kontzeju honek tasak ezartzen eta ordainarazten ditu kontzejuen titulartasuneko landa errepede eta bideak mantendu, hobetu eta kontserbatzeko zerbitzu publikoa eman eta egiteagatik.

2. artikulua. Aplikazio eremua

Ordenantza hau Lacervillako Kontzeju osoan aplikatuko da.

3. artikulua. Zerga egitatea

Kontzejuaren landa bideak mantendu, hobetu eta kontserbatzeko zerbitzu publikoa ematea.

4. artikulua. Subjektu pasiboa

Subjektu pasiboak dira, zergadun gisa, Arabako Lurralde Historikoko zergen foru arau orokorraren 33. artikuluan aipatzen diren pertsona fisiko eta juridikoak eta erakundeak, baldin eta Lacervillako Kontzejuko landa lurzatiren baten jabe badira.

5. artikulua. Zerga erantzuleak

Ordenantza honen ondorioz sortzen diren zerga zorren erantzule izango dira, zergadunaren ordezkari gisa, landa finen gozamedunak, errentariak eta zeinahi titulu juridikoren bidez landa finen edukitza dutenak.

6. artikulua. Salbuespenak, murrizketak eta hobariak

Tasa hau ordaintzetik salbuetsita egongo dira landa lurrak, baldin eta Berantevillako Udalaren ondasun higiezinaren gaineko zerga arautzen duen zerga ordenantzak halakotzat jotzen baditu.

7. artikulua. Zerga oinarria

Zerga oinarria da finka bakoitzerako finkatutako zerga oinarria landa ondasun higiezinaren gaineko zergaren ondorioetarako.

8. artikulua. Zerga kuota

Zerga kuota izango da, eranskinean ezartzen denaren arabera, zerga oinarriari horretarako ezarritako kopuru finko bat aplikatuz ateratzen den kopurua, edo bi prozedura horiek batera aplikatuz ateratzen dena.

9. artikulua. Sortzapena eta zergaldia

9.1. Tasa urtero sortuko da, abenduan, eta zergaldia egutegiko urtea izango da.

9.2. Landa lurzatieta aldaketa fisiko, ekonomiko edo juridikoren bat gertatzen bada, gertatu eta hurrengo zergaldian sortuko ditu ondorioak.

10. artikulua. Tasaren kudeaketa

10.1. Urtero osatuko den errolda izango da tasa kudeatzeko oinarria. Errolda horretan jasoko dira ukitutako zergadunak eta dagozkien zerga kuotak, ordenantza hau aplikatuz likidatuko direnak.

10.2. Berantevillako Udalak egingo du errolda hori. Behin egindakoa, jendaurrean erakutsiko da, iragarkia jarriz kontzejuaren iragarki oholean eta ALHAOn, eta hamabost eguneko epea egongo da erreklamazioak aurkezteko.

Jendaurreko epea igarotakoan, lehendakariak erreklamazioak ebatziko ditu eta behin betiko onartuko du errolda, zeina oinarritzat hartuko baita zerga kuotaren behin betiko likidazioa eta kobrantza agiria egiteko.

11. artikulua. Erroldako aldaketak

11.1. Subjektu pasiboek landa lurzatieta gertatzen diren aldaketa fisiko, ekonomiko eta juridiko guztiak aitortu beharko dituzte.

11.2. Aitorpenak Berantevillako udaletxean edo Lacervillako kontzejuan aurkeztuko dira, hilabeteko epean, aldaketa fisiko, ekonomiko edo juridikoa gertatzen den egunetik hasita.

Horretarako, subjektu pasiboak erroldako aldaketaren aitorpena aurkeztuko du, eta aldaketa zertan den azalduko du.

Landa finkaren titulartasuna aldatzen denean, eskualdatzaileak baja aitorpena aurkeztu beharko du, bertan jarrita eskuratzaillearen izena eta helbidea eta aldaketaren data, eta aldaketaren arrazoia azaltzen duten dokumentuak erantsiko ditu.

Landa finkaren titulartasunaren mortis causa aldaketetan, jaraunseak baja eta alta aitorpenak egin beharko ditu.

11.3. Egintza administratibotzat joko dira tasaren erroldan datuak erantsi, kendu edo aldatzea, ikuskapen jarduketak eta komunikazioak.

12. artikulua. Likidazioa eta ikuskapena

Ordenantza honek arautzen duen tasaren likidazioari, bilketari eta ikuskapenari dagokien guztian, eta, halaber, zerga arloko arau haustek kalifikatzeko eta zehapenak erabakitzeko, Arabako Lurralde Historikoko zergen foru arau orokorrean ezarritakoa aplikatuko da.

AZKEN XEDAPEN BAKARRA

Ordenantza hau eta bere eranskina, zeintzuk maiatzaren 2an onetsi baitzituen behin betiko kontzejuak, ALHAOn osorik argitaratzen diren egunaren biharamunean jarriko dira indarrean, 2020ko urtarrilaren 1etik aurrera izango dituzten ondorioak eta indarrean jarraituko dute harik eta aldatzea edo indargabetzea erabakitzen den arte.

XEDAPEN INDARGABETZAILEA

Indargabeturik geratzen dira ordenantza honetan xedatutakoaren aurkakoak diren maila bereko xedapenak.

Ordenantzaren eranskina

Tarifak: zerga oinarriari ehuneko 0,20ko koefizientea aplikatuko zaio.

Lacervilla, 2019ko uztaillaren 1a

Lehendakaria

RUBÉN SOBRÓN FERNÁNDEZ